

SCRIPT OF EVENING GOJRI NEWS BULLETIN 23AUG 1700 HRS

ایونینگ گو جری نیوز بلیٹن مورخہ 23 اگست 2025

یوہ آکا شوانی جموں ہے ظفر اقبال تے نصرت چوہدری تیں خبر سُنو۔

HEADLINES

- ۱۔ وزیر دفاع راج ناتھ سنگھ آتے کل بادل پھٹن توں متاثری ضلع کشتواڑ غا گراں چشوٹی غو دورو لاویں گا۔
- ۲۔ لیفٹیننٹ گورنر منوج سنہا نے تمام زبانان ور فکر کرن غی تاکید کی تے وادی اے بند تقریب مانہ بندی زبان غا فروغ بارے کوششاں غی تعریف کی۔
- ۳۔ وزیر اعلیٰ عمر عبداللہ نے طلباء ور زور دتو کہ بڑا خواب دیکھیں تے اُن خواباں نانہ پور وکرن مانہ جہڑی رکاوٹ آوے اُس نانہ توڈ غے اگے بدھو۔
- ۴۔ ریاستی تحقیقاتی ایجنسی نے شوپیاں ضلع مانہ حزب المجاہدین تنظیم سنگ منسلک تنظیم واسطے زمینی سطحور کم کرن آلا اُن گا ایک ساتھی نانہ گرفتار کرلیو ہے۔
- ۵۔ صوبہ جموں واسطے محکمہ موسمیات نے اگلا 48 گھنٹاں مانہ پاری بارش ہون بارے آگاہ کیو ہے۔

RAJNATH CHASOTI VISIT

وزیر دفاع راج ناتھ سنگھ آتے کل بدل پھٹن توں متاثری ضلع کشتواڑ غا چشوٹی گراں گو دورو کرن آلا ہیں جناب راج ناتھ سنگھ اس موقع ور جاری تلاشی تے امدادی کارونیاں غو وی جانیزو لیں گا پی آر او ڈفنس جموں لیفٹیننٹ کرنل سونیل برٹ وال نے آکاشوانی جموں نانہ جناب راج ناتھ سنگھ غا دورہ غے بارے آگاہ کیو جناب برٹ وال نے کہیو جے وزیر جموں توں روانہ ویں گا۔ تے صورت حال غو جانیزو لین واسطے چشوٹی گا تے امدادی سرگرمیاں غو جانیزو لین تے متاثرہ خانداناں سنگ گل بات کریں گا۔ دورہ نانہ پرامن تے محفوظ بنان واسطے خطہ مانہ حفاظتی انتظامات بدایتا ہیں قابل ذکر ہے جے چشوٹی مانہ تباہ کپں بادل پھٹن توں متعدد افراد ہلاک تیکچ لاپتہ ہو گیا ہیں۔

LG HINDI

لیفٹیننٹ گورنر منوج سنہا نے کہیو کہ بھارتی زبانان غی تنوع تے خوبصورتی ملک غی ثقافتی خوشحالی تیکجہتی غی عکاسی کرے اُنہاں نے کہی وکہ گزشتہ 75 براں مانہ بندی نے ملک نانہ جوڑن مانہ اہم کردار اداکیو تھو تے آزادی غی جدوجہد غی آواز بنی۔ وادی ہند بندی شکشا سمیتی غا ایک پروگرام مانہ خطاب کرتا واں اُنہاں نے کمیٹی غی کوششاں غی تعریف کی کہ کس طرح وہ جموں کشمیر غا نوجواناں مانہ بندی نانہ فروغ دے رہیا ہیں اُنہاں نے عوام ور زور کہلتا واں کہیو کہ تمام زبانان ور فخر کریں تے اپنا ثقافتی تے ادبی ورثہ نانہ محفوظ رکھیں۔ اس موقع ور مزید گل کرتا واں ایل جی موصوف نے اس طرح کہیو۔

CM YOUTH PROG

وزیر اعلیٰ عمر عبداللہ نے اج کہیو ہے جے طلباء نانہ ایک جامع تے اختراعی مستقبل غی تعمیر واسطے بڑا خواب دیکھنا چاہیے جناب عبداللہ نے کہی و جے طلباء نانہ اُن

غی زندگیاں مانہہ آن آلی رُکاوٹاں نانہہ توڑ گے اپنا تصورات تو اُپر اُتھ گے تے کھوج کرغے اگے بدنو چابیے وزیر اعلیٰ نے یہ گل جموں گا ایک نجی اسکول مانہہ ٹیڈ ایکس جے کے پی ایس نوجواناں بارے پروگرام سنگ خطاب کرتا واں کہی جس کو عنوان تھو حدود تیں اگے۔ اس موقع ور خطاب کرتا واں اُنہاں نے نوجوان ذہناں غی حوصلہ اگرائی کی کہ وے ہمت سنگ سوچیں تبدیلی نانہہ اپنویں تے ترقی واسطے اگے بدھیں تقریب مانہہ طلباء غی بھرپور شرکت دیکھن واسطے لبی جنہاں جنہاں نے نوا خیالات تے امکانات غا جذبہ غے سنگ سرگرمی مانہہ حصولیو۔

LOK ADALAT

فوری انصاف غی طرف اک اہم قدم غا طور ور اج ضلع پونچھ غی ترے تحصیلاں مانہہ 7 بینچاں ور مشتمل ایک بڑی لوک عدالت منعقد کی گئی۔ اس مانہہ جج صاحبان وکلا، بیمہ ملازم، فریقین تے عام عوام نے بھرپور شرکت کی۔ ضلع قانونی خدمات اتھارٹی غا چئیرمین اشونی کمار شرما نے لوک عدالت غی اہمیت ور روشنی کھلی تے عوام نانہہ اس تیں فائدو چان بارے کہیو۔ ضلعی و سیشن جج احسان ملک نے دسیو کہ 100 تیں متی مقدمات جسران کھسول شادی بیمہ غو دعوو بینکاں تیں پیسا واپس لینو ایسا کنی مقدمہ لوکاں کی آپسی رضامندی تے گل بات غے ذریعے حل کیا گیا۔

PTC ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا اُمیدوار درخواست دے سکیں گا جہیڑا ضلع جموں گا بسنیک ویں تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا اُمیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادانرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود آئیندہ 31 اگست 2025 توڑی دے سکیں۔ اس بارے مزید جانکاری ویب سائٹ

ور دستیاب ہے۔ www.newsonair.gov.in

SIA OGW

ریاستی تحقیقاتی ایجنسی کشمیر نے دہشت گرداں واسطے زمینی سطح ور کم کرن آلا اُن گا ایک ساتھی الطاف حسین واگے نانہہ جہیڑو بہران شوپیاں غو بسنیک ہے ناہہ ممنوعہ دہشت گرد تنظیم حزب المجاہدین واسطے چھپ غے کم کرنکا الزام مانہہ گرفتار کیو ہے ایک سماجی میڈیا پوسٹ مانہہ ریاستی تحقیقاتی ایجنسی جموں کشمیر نے گرفتاری ہون غی اطلاع دتی ہے حکام نے دسیو ہے جے واگے پاکستان مانہہ مقیم دہشت گرداں سنگ رابطہ مانہہ تھو تے وہ لگاتار ملک دشمن سرگرمیاں علیحدگی پسند بیان پھیلان تے قوم غے خلاف سازش کرن مانہہ ملوث تھو حکام نے اس گرفتاری نانہہ ایک

بڑی کامیابی دستاواں کہیو ہے جے اس گرفتاری سنگ دہشت گردی غا واقعات مانہ کمی
آوے گی۔

WATER SPORTS

سرینگر غی مشہور ڈل جھیل ور کھیلو انڈیا آبی کھیڈ تقریب 2025 غو اج آخری تہارو
تھو جت جوش وجزبہ غے نال مقابلہ جاری رہیا ملک غا مختلف حصاں تے آیا کھیڈ
اریاں نے آبی کھیڈ مقابلان مانہ اپنی صلاحیتاں غو شاندار مظاہرہ کیو اس کامیاب تقریب
نے نہ صرف آبی کھیڈ مانہ فروغ دتو بلکہ جموں کشمیر مانہ سیاحت غا ایک برا
مرکز غا طور ور اُجاگر کیو۔ اپنا ایک پیغام مانہ بھارتی کھیڈ اتھارٹی گا ڈپٹی ڈائریکٹر
جنرل مینک شرواستو نے اس طرح کہیو۔

AYUSH RAMBAN

آیوش محکمو رام بن آسا ورکراں مانہ رہنمائی تیتربیت دے اس واسطے قومی آیوش
مشن گو تربیتی مواد استعمال کی وجے تانجے صحت مند طرز زندگی مانہ فروغ دتو
جاسکے تے دیسی طبی سہولتاں غ نال ملا غے استعمال کیو جاسکے اس تربیت غو
مقصد لوکاں مانہ صحت مند رہن غو طریقو دسنو بنیادی دیکھ بھال فراہم کرنو ضرورت
پین ور مریض نانہ اگے ریفر کرنو تے مختلف بیماریاں غا بارا مانہ آگاہی دینو ہے اس
بارے مزید گل کرتاواں اعلیٰ طبی افسر ڈاکٹر مسود اقبال زرگر نے اس طرح کہیو۔

WEATHER

محکمہ موسمیات نے پیشن گوئی کی ہے کہ اگلا 48 گھنٹاں مانہ ڈوڈہ جموں کٹھوعہ
کشتواڑ پونچھ راجوری رام بن ریاسی ساہیو ادھمپور اننت ناگ تے کُلگام غا مختلف
علاقاں مانہ پاری بارش ہو سکے۔ حکام نے خبردار کیو ہے کہ جموں صوبہ مانہ
بدل پھٹن اچانک سیلاب تے پسی پین غو خطرو ہے یا ہدایت 25 اگست توڑی برقرار
رے غی۔ عوام تیں کہیو گیو ہے کہ وہ محتاط رہیں تے اپنی حفاظت واسطے ضروری
اقدامات کریں۔

REASI LANDSLIDE

اج سویرے ریاسی غا ماہور علاقہ مانہ ملائی نالہ غے قریب ایک گڈی ور اچانک مٹھی
گا تودا جا پیا جس غی وجہ تیں ایک ڈراور غی موت ہو گئی تے 2 افراد زخمی ہوا ہیں
زخمیاں مانہ فوراً پی ایچ درماڈی اسپتال لے جایو گیو جت ڈاکٹراں نے ڈرائیور غی موت
بارے دسیو ہلاک ڈرائیور غی شناخت شاہ باز ساکن جملن غا طور ور ہوئی ہے ت
زخمیاں غی شناخت جاوید ولد محمد حسین ساکن کنسولی تے عبدل گنی غا طور ور کی
گئی ہے تے پولیس نے معاملہ بارے جانچ شروع کی ہے۔
